

Sarajevo, 31-07-2024
Broj: 73-11-7-27452

Na osnovu člana 70. Zakona o javnim nabavkama („Službeni glasnik BiH“, broj 39/14 i 59/22), člana 48. Statuta KCUS-a (Sl.novine FBiH br. 73/13), član 24. stav 1. Pravilnika o javnim nabavkama Kliničkog centra Univerziteta u Sarajevu (65-04-2-4654 od 01.02.2023. godine) na prijedlog Komisije za javnu nabavku Izvještaj br. 73-33-4-27274-3 od 31.07.2024. godine, V.D. Generalnog direktora donosi:

ODLUKU

o izboru najpovoljnijeg ponuđača za

„Nabavku usluga servisa za preventivno i interventno servisiranje aparata/sistema proizvođača VARIAN lociranih na Klinici za onkologiju KCUS-a”

I

Prihvata se prijedlog Komisije, po Izvještaju br. 73-33-4-27274-3 od 31.07.2024. godine nakon provedenog otvorenog postupka javne nabavke objavljenog na portalu e-nabavke dana 20.05.2024.godine pod brojem obavještenja 893-1-2-188-3-425/24, a okončanog putem pregovaračkog postupka sa objavom obavještenja i ugovor dodjeljuje najpovoljnijem ponuđaču:

SIEMENS MEDICINA d.o.o. Sarajevo

za „Nabavku usluga servisa za preventivno i interventno servisiranje aparata/sistema proizvođača VARIAN lociranih na Klinici za onkologiju KCUS-a”

Ukupna vrijednost nabavke:

1.590.000,00 KM bez PDV-a + PDV 270.300,00 KM = 1.860.300,00 KM sa PDV-om

- Cijene su nepromjenjive za cijeli ugovoreni period i izražene u KM bez PDV-a.
- Uslovi plaćanja: u 36 (tridesetšest) jednakih mjesečnih faktura , odgođeno 60 (šezdeset) dana od dana ispostavljanja fakture za predhodni mjesec
- Ugovorni organ će na početku svakog mjeseca izdavati narudžbenicu za pružanje usluga
- Garancija na ugrađene rezervne dijelove: 6 (šest) mjeseci
- Ugovor se zaključuje na period od 36 (tridesetšest) mjeseci

II

Izabrani ponuđač SIEMENS MEDICINA d.o.o. Sarajevo, sa sjedištem u ulici Zmaja od Bosne br.7, 71 000 Sarajevo, je dostavio dokaze u sklopu svoje ponude kojima se potvrđuje vjerodostojnost izjave o ispunjavanju uslova iz člana 45. Zakona o javnim nabavkama („Službeni glasnik BiH“, broj 39/14 i 59/22), te iste nije u obavezi ponovno dostavljati.

III

Ova odluka stupa na snagu danom donošenja i bit će objavljena na web stranici KCUS-a, kao i dostavljena ponuđaču učesniku u postupku javne nabavke.

O B R A Z L O Ž E N J E

U skladu sa Odlukom KCUS-a broj: 01-04-4-18120-1 od 17.05.2024. godine, putem otvorenog postupka sa međunarodnom objavom pokrenut je postupak javne nabavke za „Nabavku usluga servisa za preventivno i interventno servisiranje aparata/sistema proizvođača VARIAN lociranih na Klinici za onkologiju KCUS-a”. Procijenjena vrijednost nabavke je 1.590.000,00 KM bez PDV-a. Predviđeno je zaključivanje ugovora na period od 36 (tridesetšest) mjeseci.

Nabavka je planirana izmjenama i dopunama Plana javnih nabavki za 2024. god. pod kategorijom „usluge“ redni br. 15. (Odluka o izmjenama i dopunama Plana javnih nabavki Kliničkog centra Univerziteta u Sarajevu za 2024 godinu, broj: 109/24 br. protokola 65-04-4-16331 od 03.05.2024. godine).

Uslovi plaćanja predviđeni za postupak nabavke su u 36 jednakih mjesečnih faktura, odgođeno 60 dana od dana ispostavljanja fakture za predhodni mjesec. Prilog fakture narudžbenica, radni nalog i/ili izvještaj o urađenom

Markum

poslu, otpremnica ukoliko je isporučen rezervni dio (na osnovu saglasnosti V.D. Generalnog direktora na akt Sektora za finansijske, knjigovodstvene i planske poslove br. 56-11-1-16768-1 od 15.05.2024. godine).

Ugovorni organ je 20.05.2024. godine objavio tendersku dokumentaciju pod brojem 893-1-2-188-3-425/24 na portalu e-nabavke koju je preuzelo 5 (pet) potencijalnih ponuđača: EKAPIJA d.o.o; INEL-MED d.o.o. Mostar; BBS EUROPE; SIEMENS MEDICINA d.o.o. i MELCOM d.o.o. Mostar.

Do krajnjeg roka za dostavljanje ponuda 10,30 sati dana 05.07.2024. godine na Protokol Kliničkog centra Univerziteta u Sarajevu zaprimljena je 1 (jedna) ponuda ponuđača i to:

PODACI IZ PONUDE	1.
Naziv ponuđača	SIEMENS MEDICINA d.o.o. Sarajevo
Broj i datum ponude (što je evidentirano zapisnikom o zaprimanju ponuda br. 10-33-4-24092 od 05.07.2024. godine)	10-11-3-24016 od 04.07.2024. godine u 14 h i 15 min
Cijena ponude bez PDV-a (KM)	1.590.000,00

Komisija imenovana Odlukom broj: 01-04-4-23333 od 28.06.2024. godine je izvršila detaljnu analizu i ocjenu ponude **ponuđača SIEMENS MEDICINA d.o.o. Sarajevo** i **konstatovala da ista ne ispunjava formalno pravne i tehničke zahtjeve**, te sačinila Zapisnik o pregledu i ocjeni ponuda br. 10-33-4-24092-3 od 25.07.2024. godine kojim je dostavljena ponuda ocjenjena kao neprihvatljiva iz razloga jer ponuđač nije dostavio dokaz tražen tačkom 3.1.f) „Rješenje za obavljanje djelatnosti uvoza i prometa medicinskih sredstava Agencije za lijekove i medicinska sredstava BiH“. Tenderskom dokumentacijom tačkom 3.1. u napomeni je jasno definisano „Nepriklaganje bilo kojeg dokaza i/ili izjave diskvalifikuje ponuđača“.

Obzirom da se radi o servisiranju i održavanju veoma specifične opreme, namjenjene za liječenje onkoloških pacijenata, te ispunjenosti uslova iz člana 20. stav 1) tačka a) Zakona o javnim nabavkama („Službeni glasnik BiH“ broj 39/14 i 59/22) „ako u otvorenom ili ograničenom postupku ili u postupku takmičarskog dijaloga dobije sve ponude koje ne ispunjavaju uslove kvalifikacije, a osnovni uslovi za dodjelu ugovora se nisu bitno promijenili, ugovorni organ nije obavezan ponovo objaviti obavještenje o nabavci, pod uslovom da pozove sve ponuđače, odnosno kandidate da otklone nedostatke u svojim ponudama, te svoje ponude učine prihvatljivim“, Komisija je na osnovu mišljenja Agencije za javne nabavke br. 04-02-1-2101-2/23 od 06.11.2023. godine (vezano za prelazak iz otvorenog u pregovarački postupak sa objavom obavještenja), Zapisnika Komisije o pregledu i ocjeni ponuda br. 10-33-4-24092-2 od 19.07.2024. godine, te saglasnosti V.D. Generalnog direktora KCUS-a br. 58-11-3-26139 od 22.07.2024. godine, sačinila Zapisnik o pregledu i ocjeni br. 10-33-4-24092-3 od 25.07.2024. godine sa prijedlogom da se iz otvorenog postupka pređe u pregovarački postupak s objavom obavještenja i da se jedinom ovlaštenom serviseru medicinske opreme proizvođača SIEMENS uputi Poziv za pregovarački postupak u kojem bi ponuđač dostavio dokument – dokaze koji nedostaju u ponudi te da se postupak okonča dodjelom ugovora.

Na osnovu saglasnosti v.d. Generalnog direktora KCUS-a br.58-11-3-26139 od 22.07.2024.godine i Odluke o nastavku otvorenog postupka putem pregovaračkog postupka sa objavom obavještenja o nabavci br.73-04-4-26967 od 26.07.2024.godine, ponuđaču SIEMENS MEDICINA d.o.o. Sarajevo upućen je poziv za učešće u pregovaračkom postupku sa objavom obavještenja o nabavci br.73-04-4-26967-2 od 26.07.2024.godine.

Upućenim pozivom od ponuđača je u skladu sa čl.20. stav 1) tačka a) traženo da dostavi nedostajuću dokumentaciju **Rješenje za obavljanje djelatnosti uvoza i prometa medicinskih sredstava** Agencije za lijekove i medicinska sredstava BiH i svoju ponudu učini prihvatljivom za postupak nabavke.

Obzirom da je veći broj članova Komisije imenovanih Odlukom broj: 01-04-4-23333 od 28.06.2024. godine na godišnjem odmoru i nisu u mogućnosti prisustvovati otvaranju ponude za postupak nabavke je sačinjena i Izmjena i dopuna Odluke o imenovanju Komisije br.73-04-4-26967-1 kojom su imenovani novi Komisije.

Do krajnjeg roka za dostavljanje ponuda 13,00 sati dana 30.07.2024. godine na Protokol Kliničkog centra Univerziteta u Sarajevu zaprimljena je 1 (jedna) ponuda ponuđača i to:

PODACI IZ PONUDE	1.
Naziv ponuđača	SIEMENS MEDICINA d.o.o. Sarajevo
Broj i datum ponude (što je evidentirano zapisnikom o zaprimanju ponuda br. 73-33-4-27274 od 30.07.2024. godine)	10-11-3-27276 od 30.07.2024. godine u 11 h i 00 min

Komisija je konstatovala da je ponuda blagovremena, uredno obilježena i ovjerena od strane ponuđača. Komisija je u prisustvu referenta protokola izvršila otvaranje ponude. Budući da se ponuda sastojala iz samo jednog traženog dokumenta, komisija je izvršila potpisivanje i ovjeru dokumenta, kao i potpisivanje i ovjeru koverta u kojoj je ponuda dostavljena.

Dostavljanjem traženog dokumenta ponuđač SIEMENS MEDICINA d.o.o. Sarajevo je svoju ponudu učinio formalno, pravno i tehnički ispravnom i prihvatljivom za dalji tok postupka nabavke.

Za ovaj postupak javne nabavke planirano je provođenje e-aukcije, ali u skladu sa Pravilnikom o uslovima i načinu korištenja e-aukcije, član 4. Stav 2) u kojem je regulisano kako se e-aukcija ne može provesti u slučaju prijema jedne prihvatljive ponude, te se postupak okončava u skladu sa članom 69. stav 1 pod a) ZJN.

Uzimajući u obzir naprijed navedno, Komisija Zapisnikom o pregledu i ocjeni ponuda br. 73-33-4-27274-2 od 31.07.2024. godine i Izvještajem br. 73-33-4-27274-3 od 31.07.2024. godine predlaže da se ugovor za „Nabavku usluga servisa za preventivno i interventno servisiranje aparata/sistema proizvođača VARIAN lociranih na Klinici za onkologiju KCUS-a” dodijeli ponuđaču SIEMENS MEDICINA d.o.o. Sarajevo .

Prijedlog Komisije je prihvaćen i donosi se odluka kao u dispozitivu.



POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 10 (deset) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:

- Ponuđaču;
- Tehnički sektor
- a/a KCUS

Mamun